



**TATA IBADAH PARTONGGOAN KELUARGA  
GKPS PADANG BULAN - RESORT POLONIA**

Live streaming: [www.gkpspadangbulan.com/tv](http://www.gkpspadangbulan.com/tv)

Tata Ibadah: <http://www.gkpspadangbulan.com/tatib>



**Topik: PAMBOBAI NA SIRSIR GABE JUAK-JUAK**

**Parambilan:** St.Alven Saragih, M.Div, **Paragenda/Doding:** Sy.Mahaitin Sinaga;

**Singer:** Ny.Jhon Sari Haloho, Ny.Binsaudin Sipayung, Ny.Primson Purba,

**Tonggo Syafaat:** Sy.Jhon Sari Haloho, **Pemusik:** Bp.Thomas Saragih

**Panorang:** Jumat, 09 Oktober 2020

**1. VOTUM-INTROITUS-TONGGO**

**P:** Ibagas goran ni Naibata Bapa pakon Tuhan Jesus Kristus ampa Tonduy Napansing, Sitompa langit pakon tanoh on. Amen.

Ale Naibata, Ham do Naibataku na hupindahi, horahan do tonduyhu Bamu, siholan do dagingku Bamu songon tanoh na dorging anjaha na horah, na so marbah. Haleluya.

**Martonggo ma Hita!**

Ham, Tuhan Naibat Bapanami, mangkatahon tarima kasih do hanami halani na dob ipatar Ham diri-Mu marhitei hata-Mu. Ojur Ham ma hanami ase tongtong ihaporluhon hanami manjalohon pakon mangkorjahon hata-Mu. Pasada Ham ma hanami na martumpu on, ase tongtong sada, songon Ham na sada pakon Jesus Kristus Anak-Mu. Suruh Ham ma Tonduy-Mu Tonduy Na Pansing laho manrahit hasadaonnami, ase lambin marsangap janah marmulia goran-Mu marhitei goluhnami. Ibagas goran-Ni Tuhan Jesus Kristus, ipaondos hanami tonggonami on. Amen.

**2. Mandoding 305. Martumpu Ganupan (1-3)**

1. Martumpu ganupan manambah Tuhan  
Sai puji ma la parlayak do in  
Maronti ma ganupan paruntolon  
lgantih gabe damei na sonang

2. Hormati Goran-Ni janah pingkirhon,  
Ganup halongangan na binaen-Ni in.  
Diatei tupa ma hatahononta,  
marbuah ma haporsayaonta.

3. Martonggo ma hita janah manjaga,  
ase totap ma haporsayaonta.  
I dunia dong sada hamonangan,  
ai ma haporsaon bai Tuhan.

**3. Mambasa Parmahan Na Madear**

**4. Mandoding 307. Bani na Martonggo Ahu (1-2)**

1. Bani na martonggo ahu hu Bamu o Tuhankin.  
Ajar Ham ma au manjalo ganup na binere-Mu.  
Mangakuhon songon Jesus bani sitaranon-Niin.  
Seng rosuhku pasaudonku pitah rosuhmu Tuhan.

2. Atap aha husurahon na dear bai goluhkon.  
Bahen Ham au pambalosi bani ganup rosuh-Mu.  
Mangauhon 'pa porsaya 'ge galek pe uhurhon.  
Seng rosuhku pasaudonku pitah rosuhmu Tuhan.

**5. Tonggo Pangapition**

**6. Mandoding 144. Bolag Ope na Golap In (1+3+4)**

1. Bolag ope na golap in, bai bangsa na iatas tanoh on,  
Sibolis do na manrajai in, isombah halak begu-begu in

3. Torang do bagah-bagah ni Bapanta i nagori atas in .  
Ganupan jolma iarahkon do hubani sonang ni uhur-Ni lo.

4. Sai gogoh bei pasaudkon in mamboan Hata hagoluhan in .  
Bai ganup bangsa na i tanoh on, porlu baen hita horja in tongtong .

**7. Ambillan : 2 Musa 18: 17-23**

## 8. Mandoding 381. Ringgas Au Pararatkon (1+2) Patuppu Galagan

1. Ringgas au pararatkon Hata-Ni Tuhan in,  
ronsi hasangapon-Ni, ge holong uhurNiin.  
Ambilan siharganan, Hata ni Tuhan in,  
pasonang paruhuran ampakon Tonduy in.  
Tongtong do marmulia barita ni Tuhanta,  
sai lambin tarambilan Goranni Tuhan in.

2. Ringgas au mangkatahon Hata ni Tuhan in,  
buei do halonganan humbani na hinan  
Dihut ma au marulih bai hasonangan in,  
janah huhaporluhon mangambilankon in.  
Tongtong do marmulia barita ni Tuhanta,  
sai lambin tarambilan Goranni Tuhan in.

## 9. TONGGO GALANGAN – TONGGO PENUTUP

P. Martonggo ma hita mangondoskon galanganta bani Naibata  
Ham Tuhan Naibata Bapanami na i nagori atas. Tarima kasih ampa puji-  
pujian ma isombahkon hanami hu Bamu. Domma ijalo hanami hata-Mu  
na pinadasni juak-juak-Mu. Pargogohi Ham ma hanami mandalankon in  
bani goluhnami siganup ari. Bani panorang on iondoskon hanami ma  
dirinami pakon pasu-pasu na dob binere-Mu bannami, na gabe  
galangan hatarimakasihonnami hu Bamu. Sai jalo anjaha pasu-pasu  
Ham ma galangannami on, laho pabolaghon harajaon-Mu pakon  
pararatkon hata-Mu i dunia on, na gabe hasangapon-Mu, ibagas goran  
ni Anak-Mu Tuhan Jesus Kristus Tuhannami. Amen.

**Riap ma hita martonggo marhitei tonggo na iajarhon Tuhan Jesus  
hubanta:**

Ham Bapa nami na inagori atas. Sai napapansing ma Goran-Mu. Sai roh  
ma harajaon-Mu. Sai saud ma harosuhni uhur-Mu inagori tongah on  
songon na inagori atas. Bere Ham ma bannnami sadari on hagoluhan  
ari-ari. Sasap Ham ma dousa nami songon panasap nami bani dousa ni

hasoman namardousa dompak hanami. Ulang hanami bobai Ham  
huparlajouan. Paluah Ham ma hanami humbani pangagou!  
Ai Ham do simada harajaon pakon hagogohon ampa hasangapon  
sadokahni dokahni Amen.

P. Jalo hita ma pasu-pasu humbani Tuhan Naibata

Idobni uhurni Tuhanta Jesus Kristus pakon holongni ateini Naibata Bapa,  
ampa pars Moran ni Tonduy Na Pansing ma mangkasomani hita haganupan,  
Amen

**K: Diate tupa ma, bamu Ham Naibata  
Ham Bapa na i Surga, diate tupa ma  
Amen... (mandodingkon)**